



airforce.mil.my

BERITA UDARA

INTEGRITI | KEBERANIAN | KECEMERLANGAN | SETIAKAWAN | MENGUTAMAKAN PERKHIDMATAN

SIRI 11 | DISEMBER 2015



"AIR DESPATCHER"

Satu kaedah menggugurkan barangan keperluan operasi seperti makanan, senjata, minyak, ubat-ubatan dan sebagainya. Barangan ini dijatuhkan menerusi pesawat dengan menggunakan *parachute*. Kaedah ini juga dikenali sebagai CDS (*Container Delivery System*).

**MAJLIS ANUGERAH
KECEMERLANGAN TUDM 2015**

03

**SEMILAN PEGAWAI KANAN TUDM
TERIMA DARJAH KEBESARAN
NEGERI PAHANG**

04



airforce.mil.my

BERITA UDARA

DIS 2015

KELUARAN SIRI 11



BERITA UDARA adalah penerbitan rasmi TUDM, walau bagaimanapun setiap tulisan yang disiarkan tidak mencerminkan pandangan rasmi TUDM. Segala sumbangan dari pembaca bagi menceriakan penerbitan ini adalah sangat dialu-alukan. Pengarang berhak untuk membuat pengubahsuaian kepada artikel asal tanpa mengubah maksud asal tulisan.

Semua tulisan dan artikel sila alamatkan kepada:

Markas Tentera Udara
(Untuk Perhatian: Sekretariat D)
Kementerian Pertahanan
Jalan Padang Tembak
50634 KUALA LUMPUR

Tel : 03-20713826/03-20715130
Faks: 03-20714572
Email : prtudm@gmail.com

KANDUNGAN

FOKUS

- 03 - Anugerah Kecemerlangan TUDM 2015.
- 03 - Ketibaan Jenazah Mangsa Kemalangan di Chiang Mai, Thailand.

ISTIADAT

- 04 - Sembilan Pegawai Kanan TUDM Terima Darjah Kebesaran Negeri Pahang
- 05 - Ketua Marsyal Udara, Prajin Juntong Terima Darjah PGAT.
- 05 - Perbarisan Persaraan Lt Jen Dato' Sri Che Akmar Bin Mohd Nor TUDM.
- 06 - Perbarisan Hari Angkatan Tentera Malaysia Ke-82.

ANUGERAH

- 07 - Panglima Tentera Udara Terima Penganugerahan 'Hall Of Fame'.
- 07 - Majlis Pemakaian Pangkat Jabatanarah Perkhidmatan, Markas Tentera Udara.
- 08 - TUDM Ungguli Anugerah Inovasi Kementerian Pertahanan 2015.
- 08 - Majlis Konvokesyen PERHEBAT.

LAWATAN

- 09 - Lawatan Panglima Mawilud 2 Ke PU Kuching.
- 09 - Lawatan Sambil Belajar PLPP Ke Pusat Hidrografi Nasional.
- 10 - Lawatan Perpisahan Pemerintah Tentera Udara DiRaja Brunei Di Kementerian Pertahanan.
- 10 - Lawatan Delegasi *Philiphine Air Force* Ke Markas Pemerintahan Pendidikan Dan Latihan Udara.
- 14 - Lawatan Rasmi Panglima Tentera Udara Australia Ke Kementerian Pertahanan.
- 14 - Lawatan Kerja dan Pemeriksaan Pangwilud 2.

OPERASI DAN LATIHAN UDARA

- 11 - Eksesais Paradise Siri 02/2015 (*Paradrop Air Defence Insertion Strike Extraction*)

BERITA GAMBAR

Muka 12 Dan 13

BERITA

- 15 - Bengkel RMAF Officers Leadership & Development.
- 15 - Majlis Serah Terima Tugas Ketua Staf Markas Pemerintahan Operasi Udara.
- 16 - Majlis Makan Beradat Sempena Persaraan Pegawai-Pegawai Kanan TUDM.
- 18 - TUDM Cemerlang Di Kejohanan Payung Terjun Tertutup ATM *Terengganu Challenge*.
- 18 - Majlis Pemakaian Sayap Penerjunan Dan Penutup Kursus Terjun Statik Tempur TUDM Siri 61/2015.
- 19 - Ceramah Perdana 'Rumahku Syurgaku' Oleh Datuk Ustaz Kazim Bin Elias.
- 19 - Program Kembara Motosikal Jelajah Borneo Mawilud 2.
- 20 - Perbarisan Pembubaran Malbatt 850-2 Dan Pemakaian Pingat PNBB.
- 20 - Mesyuarat Pemerintahan Panglima Operasi Udara.
- 21 - Mesyuarat/Taklimat Pengurusan Integriti TUDM.
- 21 - Majlis Makan Malam Meraikan Mantan Pegawai Waran TUDM.

PERSONALITI AF-NG

- 17 - KPL U Syed Amerul Azree- *Airman Of The Year 2014*.

BAKAT

- 22 - Ceramah Penerangan & Pameran Program AMANITA di PU Kuantan.
- 22 - Rombongan BAKAT PUKL Ke Muzium Coklat Di Kota Damansara.

SUKAN

- 23 - Atlet TUDM gah cemerlang di Arena Sukan Sea ke-28, Singapura.
- 23 - Majlis Penutup Kejohanan Karnival sukan Antara Perkhidmatan ATM 2015.
- 24 - Kejohanan Olahraga Angkatan Tentera Malaysia.
- 24 - Pasukan Kriket TUDM akan Menyertai Kejohanan IDCC '15 Di Canberra, Australia.

SIDANG REDAKSI

Penaung

Jen Tan Sri Dato' Sri Hj Roslan bin Saad TUDM

Ketua Editor

Kol Hanafiah bin Hj Abdul Manaf TUDM

Editor

Lt Kol Roslan bin Salam TUDM

Penolong Editor

Kapt Ahmad Iksan bin Abd Rahman TUDM
Lt Muhammad Irfan bin Abdullah TUDM
Lt Muhammad Dhiyauddin Bin Tengku Daniel TUDM

Grafik

Fauziah Ismail
Kpl U (W) Halimaton Sa'adiyah bte Zainuddin

Jurufoto

Sjn U Sharizal bin Mustafa
Sjn U Sumardi bin Ismail
Kpl U Haznan bin Hazali
Kpl U Mohd Nor Azam bin Shepun Rizin
Kpl U (W) Norzana bte Ab Ghani
Kpl U Mohd Ezani bin Abu Bakar
LUK Muhammad Fareez bin Ahmad Fuad
LUK Mohd Faizal Izwan bin Mohd Wazir
LUK Mohamad Safuan bin Azaman
LU II Mohamad Khairul Afizi bin Abu Bakar

ANUGERAH KECEMERLANGAN TUDM 2015

SUBANG - TUDM telah mengiktiraf pencapaian dan juga kejayaan anggota dan juga skn-skn yang telah menunjukkan prestasi cemerlang sepanjang tahun 2015.

Kesemua anugerah telah disampaikan oleh Panglima Tentera Udara, Jen Tan Sri Dato' Sri Roslan bin Saad TUDM, di Majlis Penganugerahan Kecemerlangan TUDM di Pangkalan Udara Subang.

Objektif Anugerah Kecemerlangan TUDM adalah sebagai satu penghargaan kepada pasukan serta individu yang telah mempamerkan kecemerlangan dalam pelbagai bidang, sama ada diperingkat TUDM/ATM/Kebangsaan ataupun di peringkat Antarabangsa.

Anugerah-anugerah yang diperkenalkan oleh TUDM adalah:

- Airmen of The Year 2015.*
- Squadron of The Year 2015.*
- Best Married Quarters of The Year 2015.*

Selain itu juga, Panglima Tentera Udara turut menyempurnakan pemakaian Sayap Kuartermaster Udara kepada sembilan (9) orang anggota TUDM berpangkat Pangkuan Sarjan Udara yang telah berjaya menamatkan kursus Asas Kuartermaster Udara siri 10/15. Majlis turut menyaksikan seramai 45 anggota TUDM berpangkat Laskar Udara Kanan (LUK) telah dinaikkan ke pangkat Koperal Udara (Kpl U) secara beramai-ramai, dimana pemakaian pangkat telah disempurnakan oleh Panglima Tentera Udara, Timbalan Panglima Tentera Udara dan juga Panglima Operasi Udara.

Panglima Tentera Udara turut menyampaikan Anugerah Khas kepada individu dan pasukan yang telah memperolehi kejayaan serta mengharumkan nama TUDM. Penerima-penerima bagi Anugerah Khas tersebut adalah seperti berikut:

- Anugerah Khas Sukan 2015 - **PW U I Buda AK Anchah.**
- Anugerah Khas - **Pasukan Kriket TUDM (Lelaki).**
- Pemenang Anugerah Persada Inovasi Perkhidmatan Awam (Kategori Teknikal)
- **Pusat Penyelidikan Kejuruteraan Aeroangkasa (PUSPEKA).**

Dalam majlis yang berasingan, Panglima Tentera Udara turut menyampaikan insentif khas kepada beberapa buah Persatuan Sukan TUDM yang telah menunjukkan kecemerlangan dalam Kejohanan Sukan Antara Perkhidmatan ATM bagi tahun 2015. Penerima insentif khas tersebut adalah seperti berikut :

- | | | |
|-------------------------------------|---|-------------|
| a. Pasukan Payung Terjun TUDM | - | Johan. |
| b. Persatuan Kriket (Lelaki) TUDM | - | Johan. |
| c. Persatuan Tinju TUDM | - | Johan. |
| d. Persatuan Kriket (Wanita) TUDM | - | Naib Johan. |
| e. Persatuan Menembak (Lelaki) TUDM | - | Naib Johan. |
| f. Persatuan Ping Pong TUDM | - | Naib Johan. |
| g. Persatuan Petanque TUDM | - | Naib Johan. |
| h. Persatuan Lumba Basikal TUDM | - | Naib Johan. |
| i. Persatuan Ragbi TUDM | - | Naib Johan. |



KETIBAAN JENAZAH MANGSA KEMALANGAN DI CHIANG MAI THAILAND

SUBANG - Kesemua jasad 13 rakyat Malaysia yang maut dalam nahas bas pelancong di Chiang Mai, Thailand pada Ahad lalu, tiba di tanah air awal pagi ini.

Selain yang terkorban, turut dibawa pulang melalui penerbangan ihsan menggunakan satu pesawat C-130 milik Tentera Udara Diraja Malaysia (TUDM) dan satu pesawat C-130 milik *Royal Thailand Air Force* adalah seorang warga Malaysia yang cedera dalam kejadian itu serta ahli keluarga mangsa yang terlibat dalam kemalangan tersebut.

Pesawat TUDM tiba di Pangkalan Udara Subang pada jam 3.32 pagi manakala pesawat Tentera Udara Thailand pula pada 3.38 pagi selepas penerbangan kira-kira tiga jam lebih dari Chiang Mai, yang terletak 700 km ke utara Bangkok, ibu negara Thailand.

Turut hadir menyambut kepulangan mangsa insiden tragik itu ialah Menteri di Jabatan Perdana Menteri Datuk Mah Siew Keong, Ketua Staf Markas Pemerintahan Operasi Udara, Mej Jen Haji Romlee bin Yahaya TUDM, Komander Pangkalan Udara Subang serta ahli-ahli keluarga mangsa.

Kesemua jenazah telah dibawa ke beberapa buah rumah urus mayat sebaik tiba di Batu Pahat, Johor Darul Takzim.



SEMBILAN PEGAWAI KANAN TUDM TERIMA DARJAH KEBESARAN NEGERI PAHANG

PEKAN - KDYMM Sultan Pahang Sultan Haji Ahmad Shah Al-Musta'in Billah Ibni Al-Marhum Sultan Abu Bakar Ri'ayatuddin Al-Mu'adzam Shah telah berkenan mengurniakan darjah kebesaran Negeri Pahang kepada sembilan orang Pegawai Kanan TUDM sempena Hari Keputeraan Sultan Pahang ke-85.

Dalam istiadat pengurniaan tersebut menyaksikan Lt Jen Dato' Sabri bin Adam TUDM telah dianugerahkan Peringkat Pertama Darjah Sri Sultan Ahmad Shah Pahang (SSAP) yang membawa gelaran Dato' Sri.

Manakala Brig Jen Haji Rosni bin Aziz TUDM, Brig Jen Johar Razali bin Haji Ahmad TUDM, Brig Jen Haji Saadon bin Hasnan TUDM, Brig Jen Dzulkarnain bin Haji Ahmad TUDM, Brig Jen Haji Mohd Adkaa bin Haji Solahuddin TUDM, Brig Jen Asmuni bin Takriff TUDM, Brig Jen Dr. Md Zaki bin Md Zain TUDM dan Brig Jen Shamsuri bin Alias TUDM masing-masing dianugerahkan Peringkat Kedua Darjah Indera Mahkota Pahang (DIMP) yang membawa gelaran Dato'.

Istiadat yang diadakan di Istana Abu Bakar, Pekan ini turut dihadiri oleh Panglima Tentera Udara, YBhg Jen Tan Sri Dato' Sri Roslan bin Saad TUDM dan isteri iaitu Puan Sri Datin Sri Khairani binti Mohd Zain.

Tahniah diucapkan kepada Pegawai-Pegawai Kanan TUDM yang terlibat atas penganugerahan pingat tersebut.



KETUA MARSYAL UDARA, PRAJIN JUNTONG TERIMA DARJAH PGAT

KUALA LUMPUR - Yang di-Pertuan Agong, Tuanku Abdul Halim Mu'adzam Shah telah berkenan mengurniakan darjah Panglima Gagah Angkatan Tentera (PGAT) Kehormat kepada Timbalan Perdana menteri Thailand, *Air Chief Marshal* Prajin Juntong.

Air Chief Marshal Prajin Juntong merupakan antara enam pemimpin negara asing yang menerima darjah PGAT di Istana Negara.

Turut hadir pada istiadat tersebut adalah Menteri Pertahanan, YB Dato' Seri Hishammuddin Tun Hussein, Panglima Angkatan Tentera, Jen Tan Sri Dato' Sri (Dr.) Haji Zulkifeli bin Mohd Zin dan Panglima Tentera Udara, Jen Tan Sri Dato' Sri Roslan bin Saad TUDM serta Pegawai-Pegawai Kanan Tentera dan awam.



PERBARISAN PERSARAAN LT JEN DATO' SRI CHE AKMAR BIN MOHD NOR TUDM

SUBANG – YBhg Lt Jen Dato' Sri Che Akmar bin Mohd Nor TUDM yang akan bersara dari perkhidmatan telah diraikan dalam satu perbarisan yang telah diadakan di Pangkalan Udara Subang.

Istiadat perbarisan yang diadakan sempena persaraan beliau telah dianggotai oleh 11 orang pegawai dan 109 anggota lain-lain pangkat. Turut hadir di istiadat perbarisan pada hari ini adalah Panglima Operasi Udara, Lt

Jen Dato' Sri Hj Affendi bin Buang TUDM dan isteri yang mewakili Panglima Tentera Udara, Panglima Bantuan Udara, Lt Jen Dato' Hj Sabri bin Adam TUDM dan isteri, Pegawai-pegawai Kanan TUDM, pegawai-pegawai dan anggota dari pelbagai ketukangan.

TUDM mengucapkan Selamat Bersara kepada YBhg Lt Jen Dato' Sri Che Akmar bin Mohd Nor TUDM.



PERBARISAN HARI ANGKATAN TENTERA MALAYSIA KE-82

SUNGAI BESI - Perbarisan Hari Angkatan Tentera Malaysia (ATM) yang ke-82 telah berlangsung di Dataran Panglima Tentera Darat, Kem Perdana Sungai Besi dan disempurnakan oleh Panglima Angkatan Tentera, YBhg Jen Tan Sri Dato' Sri (Dr.) Haji Zulkifeli bin Mohd Zin.

Perbarisan telah melibatkan seramai 29 pegawai dan 488 anggota LLP. Sejumlah 15 panji-panji Rejimen/Skuadron Perkhidmatan ATM telah terlibat dimana empat daripadanya adalah dari Skuadron TUDM iaitu dari Panji-Panji No 1 Skuadron, No 7 Skuadron, No 15 Skuadron dan Kolej Tentera Udara.

Perbarisan ini juga menyaksikan seramai 10 warga ATM telah menerima Pingat Perkhidmatan Setia (PPS) dan 10 staf awam menerima Sijil Kepujian PAT. Pangkalan Udara Gong Kedak pula menerima Anugerah Kesiagaan PAT bagi Perkhidmatan TUDM.

Turut hadir di perbarisan ini adalah Panglima-Panglima Perkhidmatan, Mantan-Mantan Panglima Angkatan Tentera, Mantan-Mantan Panglima Perkhidmatan, wakil-wakil tentera negara asing, warga ATM, warga Kementerian Pertahanan dan ATM.



PANGLIMA TENTERA UDARA TERIMA PENGANUGERAHAN 'HALL OF FAME'

KUALA LUMPUR – Panglima Tentera Udara, YBhg Jen Tan Sri Dato' Sri Roslan bin Saad TUDM telah dimasyhurkan sebagai ahli kelima "Hall Of Fame" Maktab Pertahanan Angkatan Tentera (MPAT) baru-baru ini.

Anugerah tersebut telah disampaikan oleh Komandan MPAT, Laksamana Pertama Dato' Sabri Zali TLDM.

Turut hadir pada majlis tersebut ialah Panglima tentera Darat, Yang Mulia Jen Tan Sri Raja Mohamed Affandi Raja Mohamed Noor, Ketua Staf Markas ATM, Lt Jen Dato' Sabri bin Adam TUDM, Panglima Operasi Udara, Lt jen Dato' Sri Ackbal bin Hj Abdul Samad TUDM dan Pegawai-Pegawai Kanan ATM.

Penganugerahan ini diberikan kepada alumni MPAT yang telah mencapai kejayaan dalam karier masing-masing dengan memegang jawatan tertinggi dalam perkhidmatan. Beliau merupakan graduan MPAT siri 21/2001.



MAJLIS PEMAKAIAN PANGKAT JABATANARAH PERKHIDMATAN, MARKAS TENTERA UDARA



KUALA LUMPUR - Majlis Pemakaian pangkat anggota Jabatanarah Perkhidmatan Markas Tentera Udara (MTU) telah berlangsung di Dewan Angkasaraya, Pangkalan Udara Kuala Lumpur baru-baru ini.

Asisten Ketua Staf Tadbir, YBhg Brig Jen Dato' Ahmad Tarmizi bin Elias TUDM telah menyempurnakan majlis pemakaian pangkat tersebut.

Seramai 12 orang anggota LLP telah dinaikkan pangkat dan kesemuanya adalah dari ketukangan Pembantu Tadbir.

Anggota yang telah dinaikkan pangkat ialah F/Sjn Norhalim bin Mohamad Hatta, F/Sjn Sariman bin Othman, F/Sjn Mohamad Shaprizan bin Shaaban, F/Sjn Ahmad Maulana bin Abdul Ghafar dan F/Sjn Mohamad Lockman bin Abdul Jabar. Mereka telah dinaikkan pangkat ke Pangkuan PW II mulai 12 Ogos 15.

Sjn U Mohd Khairul Nizam bin Md Saad dinaikkan ke pangkat pangkuan F/Sjn dan Kpl U Mohamad Firdaus bin Razak dinaikkan pangkat pangkuan Sjn U mulai 12 Ogos 15.

LUK Mohd Fidzry bin Abd Rani, LUK Mohd Faizul Amri bin Che Omar, LUK Muhammad Tajuddin bin Sa'ari, LUK Iskandar bin Ibrahim dan LUK Mohamad Fitri bin Samsudin telah dinaikkan ke pangkat Kpl U berkuatkuasa mulai 1 Apr 15.

Tahniah diucapkan kepada semua anggota yang telah dinaikkan pangkat.



TUDM UNGGULI ANUGERAH INOVASI KEMENTERIAN PERTAHANAN 2015

KUALALUMPUR – TUDM telah berjaya menjuarai tempat pertama dalam dua kategori yang dipertandingkan di Anugerah Inovasi Kementerian Pertahanan bagi tahun 2015 yang berlangsung di Auditorium Kementerian Pertahanan baru-baru ini.

Melalui projek *Intelligent Visualization Special Technical Documentation System (IVSTEDS)*, PUSPEKA berjaya harumkan nama TUDM apabila mendapat tempat pertama dalam kategori Pengurusan Teknologi Maklumat dan Komunikasi mengalahkan lapan penyertaan yang lain. Manakala bagi kategori Pengurusan Kewangan, Markas Pemerintahan Bantuan Udara melalui projek inovasinya, *Contract Monitoring System (CMS)* juga berjaya mendapat tempat pertama dalam kategori tersebut mengalahkan lapan penyertaan yang lain.

PUSPEKA juga berjaya mendapat tempat kedua dan ketiga dalam kategori Pengurusan Projek melalui projek Payung Seret Pesawat SU-30MKN (ATEV-30) dan projek *Natural Disaster Backup Power (NADiy)*.

Sementara itu, TUDM terus unggul dalam kategori Pengurusan Teknologi Maklumat dan Komunikasi apabila penyertaan dari ITSBL, Pangkalan Udara Butterworth berjaya mendapat tempat kedua melalui projek *Explosive Ornanace Disposal (EOD) Smart Apps*. Manakala Muzium TUDM turut mendapat tempat kedua bagi kategori Pengurusan Pelanggan dengan projek *Electronic Caption System (e-SC)*.

Penyampaian anugerah kepada para pemenang telah disempurnakan oleh Menteri Pertahanan, YB Dato' Seri Hishammuddin Tun Hussein diiringi Panglima Angkatan Tentera, YBhg Jen Tan Sri Dato' Sri (Dr) Zulkifeli bin Mohd Zin. Hadir sama menyaksikan, Panglima Tentera Udara, YBhg Jen Tan Sri Dato' Sri Roslan bin Saad TUDM serta pegawai-pegawai kanan tentera dan awam.



MAJLIS KONVOKESYEN PERHEBAT



SUNGAI BULOH - Menteri Pertahanan, YB Dato' Seri Hishammuddin Tun Hussein telah menyempurnakan Majlis Konvokesyen PERHEBAT Siri 2/2015 serta menyampaikan Sijil dan Diploma kepada 726 graduan dari ketiga-tiga perkhidmatan.

Hadir sama menyaksikan adalah Panglima Angkatan Tentera, Jeneral Tan Sri Dato' Sri (Dr) Zulkifeli bin Mohd Zin, Panglima Tentera Udara, YBhg Jen Tan Sri Dato' Sri Roslan bin Saad TUDM serta Pegawai-pegawai kanan tentera yang lain.



LAWATAN PANGLIMA MAWILUD 2 KE PANGKALAN UDARA KUCHING

KUCHING - Panglima Wilayah Udara 2, Mej Jen Dato' Mohd Shabre bin Hj Hussien TUDM telah melakukan lawatan kerja ke Pangkalan Udara Kuching mulai 14 hingga 16 Okt 15 yang lalu.

Ketibaan beliau serta rombongan telah disambut oleh Pemangku Komander Pangkalan, Lt Kol Zulkefli bin Hj Samsu TUDM serta Pegawai-Pegawai Eksekutif Pangkalan.

Dalam rangka lawatannya, beliau telah dibawa melawat keadaan keseluruhan kawasan pangkalan. Antara tempat-tempat yang dilawati ialah No 1 Skn, No 7 Skn dan Skn 330 di Kota Samarahan.

Disamping itu, beliau juga telah melakukan kunjungan terhadap Panglima Pemerintahan Wilayah Timur, Lt Jen Datuk Mohd Zaki bin Hj Mokhtar di Markas 1 Div, Kem Muara Tuang, Kota Samarahan.



LAWATAN SAMBIL BELAJAR PLPP KE PUSAT HIDROGRAFI NASIONAL



SUBANG – Pusat Latihan Pentadbiran dan Pengurusan (PLPP) telah menganjurkan lawatan sambil belajar ke Pusat Hidrografi Nasional (PHN) yang diadakan di KD Sultan Abdul Aziz Shah (KD SAAS), Pulau Indah, Klang.

Seramai 28 orang Pelatih Kursus Asas Pegawai Urusetia Siri 39/2015 (KAPU) dan 12 orang Pegawai dan Jurulatih PLPP telah mengikuti lawatan tersebut.

Lawatan ini bertujuan untuk meningkatkan kefahaman dan pengetahuan penuntut-penuntut KAPU serta pegawai dan Jurulatih PLPP mengenai fungsi dan peranan yang dilaksanakan oleh PHN.

Selain itu, ianya bertujuan untuk mengenalpasti *best practices* yang diamalkan oleh PHN yang boleh diadaptasi oleh PLPP.

Lawatan ini turut membuka peluang di antara TUDM dan TLDM amnya dan khususnya PHN dan PLPP dalam menjalinkan hubungan kerjasama pada masa akan datang serta dapat bertukar-tukar pendapat tentang bidang tugas dan kepakaran masing-masing.



LAWATAN PERPISAHAN PEMERINTAH TENTERA UDARA DIRAJA BRUNEI DI KEMENTERIAN PERTAHANAN

KUALA LUMPUR – Pemerintah Tentera Udara Diraja Brunei, Yang Mulia Brig Jen (U) Dato' Seri Pahlawan Haji Wardi bin Haji Abdul Latip telah melakukan kunjungan perpisahan ke Kementerian Pertahanan baru-baru ini.

Ketibaan beliau dan delegasi telah disambut oleh Panglima Tentera Udara, Jen Tan Sri Dato' Sri Roslan bin Saad TUDM dan Pegawai-pegawai kanan TUDM di Kementerian Pertahanan.

Atur cara lawatan di Kementerian Pertahanan dimulakan dengan Pemerintah Tentera Udara Diraja Brunei menerima tabik hormat dan membuat pemeriksaan perbarisan Kawalan Kehormatan Utama yang diadakan di Dataran Wisma Pertahanan.

Lawatan beliau di Kementerian Pertahanan diteruskan dengan kunjungan hormat ke atas Panglima Angkatan Tentera, Jen Tan Sri Dato' Sri (Dr.) Haji Zulkifeli bin Mohd Zin dan Panglima Tentera Udara, Jen Tan Sri Dato' Sri Roslan bin Saad TUDM.

Sepanjang berada di Malaysia, beliau telah dibawa melawat ke tempat-tempat menarik di sekitar Kuala Lumpur.



LAWATAN DELEGASI PHILIPPINE AIR FORCE KE MARKAS PEMERINTAHAN PENDIDIKAN DAN LATIHAN UDARA

SUBANG – Bersempena dengan Program Pertukaran Pegawai Kanan antara *Philippine Air Force* (PAF) dan TUDM yang berlangsung dari 10 Ogos hingga 16 Ogos 15, satu lawatan ke Markas Pemerintahan Pendidikan dan Latihan Udara (MPPLU) oleh Pegawai Kanan dari PAF telah dilaksanakan pada 12 Ogos 15.

Lawatan delegasi PAF yang diketuai oleh LTC Ulyses S. Marquez PAF telah disambut oleh Pengarah R&D, Kol Norddin bin Hussain TUDM yang mewakili Panglima Pendidikan dan Latihan Udara, serta pegawai-pegawai MPPLU.

Program lawatan dimulakan dengan sesi tandatangan buku pelawat oleh ketua delegasi dan kemudiannya para pelawat diberi taklimat berkenaan dengan organisasi MPPLU dan unit-unit latihan di bawah naungan. Dalam sesi taklimat berkenaan, kedua-dua belah pihak banyak berkongsi maklumat berkenaan aspek pelaksanaan latihan.

Sesi lawatan tersebut diakhiri dengan pertukaran cenderahati dan sesi bergambar sebelum rombongan bergerak ke lokasi seterusnya bagi meneruskan program yang telah dirancang.



EKSESAIS PARADISE SIRI 02/2015 (PARADROP AIR DEFENCE INSERTION STRIKE EXTRACTION)



LABUAN - Tentera Udara Diraja Malaysia melaksanakan satu ekseksais iaitu Ekseksais *Paradise 02/2015 (Paradrop Deepstrike Insertion Extraction)* bertempat di Pangkalan Udara Labuan mulai 9 Nov 2015 sehingga 22 Nov 2015 yang telah melibatkan ruang udara negeri Sabah dan perairan di sekitarnya.

Majlis pembukaan ini telah disempurnakan oleh Panglima Operasi Udara, Yang Berbahagia Leftenan Jeneral Dato' Sri Ackbal bin Hj Abdul Samad TUDM menerusi siaran persidangan video (VC) dari Markas Pemerintahan Operasi Udara (MPOU, Wisma Pertahanan, Kuala Lumpur).

Ekseksais yang diadakan selama dua minggu ini bertujuan untuk menilai kecekapan juruterbang-juruterbang TUDM serta anggota-anggota Pasukan Khas TUDM (PASKAU) disamping keupayaan dan kesiapsiagaan aset-aset TUDM dalam melaksanakan tanggungjawab melindungi kedaulatan Negara.

Disamping itu juga, ekseksais ini bertujuan untuk menguji keberkesanan di dalam perlaksanaan tugas dalam operasi bersama yang melibatkan pesawat-pesawat dari pelbagai kategori seperti pesawat pejuang, pengangkut dan helikopter yang bertindak sebagai elemen utama mencari dan menyelamatkan.

Pesawat-pesawat TUDM yang terlibat dalam ekseksais ini adalah seperti berikut:

- Pesawat pejuang F/A-18D.
- Pesawat pejuang Su-30MKM.
- Pesawat pejuang Hawk 108/208.
- Pesawat pengangkut C130H.
- Pesawat pengangkut KC130.
- Pesawat CN235.
- Pesawat helikopter EC725.
- Pesawat helikopter Nuri.



**TAMAT LATIHAN PERAJURIT
MUDA SIRI 53/15**



**SAMBUTAN HARI
KEMERDEKAAN KE-58**



OPS GANGGA





“ROLL DUCK”

Adalah teknik atau kaedah menurunkan peralatan bot dan anggota penyelamat dari pesawat tanpa menggunakan sebarang alat bantuan seperti tali dan sebagainya. Kaedah ini dilakukan untuk tugas menyelamatkan mangsa di perairan pada waktu siang menggunakan pesawat EC725 AP.



LAWATAN RASMI PANGLIMA TENTERA UDARA AUSTRALIA KE KEMENTERIAN PERTAHANAN

KUALA LUMPUR – Panglima Tentera Udara Australia, *Air Marshal* GN Davies AO, SCS telah melakukan lawatan rasmi di Kementerian Pertahanan pada Ogos lalu sempena rangka lawatannya ke Malaysia.

Ketibaan beliau di Kementerian Pertahanan telah disambut oleh Panglima Tentera Udara, Jeneral Tan Sri Dato' Sri Roslan bin Saad TUDM dan seterusnya mengambil tabik hormat Kawalan Kehormatan Utama di Dataran Wisma Pertahanan.

Lawatan beliau di Kementerian Pertahanan diteruskan dengan melakukan kunjungan hormat ke atas Panglima Tentera Udara di Markas Tentera Udara dan diberikan taklimat mengenai sejarah, organisasi dan arah tuju TUDM di masa hadapan.



LAWATAN KERJA DAN PEMERIKSAAN PANGWILUD 1

SUBANG - Lawatan Kerja dan Pemeriksaan Panglima Wilayah Udara 1, Mej Jen Dato' Marsaleh bin Hassim TUDM di Pangkalan Udara Subang telah diadakan selama tiga hari bermula 7 hingga 9 Dis 15.

Lawatan kerja PANGWILUD 1 yang merangkumi setiap skuadron dan cawang di dalam Pangkalan Udara Subang dilaksanakan adalah untuk mengetahui dengan lebih dekat permasalahan yang dihadapi serta memastikan pangkalan berada di dalam keadaan siapsiaga setiap masa.



KUALA LUMPUR – Bengkel *RMAF Officers' Leadership & Development* anjuran Markas Pendidikan dan Latihan Udara (MPPLU) telah berlangsung di Hotel Royale Chulan.

Bengkel ini adalah bertujuan untuk menengahkan idea-idea baru kepada pegawai-pegawai TUDM supaya para pegawai sanggup melakukan perubahan terhadap isu-isu kepimpinan dan seterusnya mampu mempraktikkannya mengikut kesesuaian. Bengkel ini telah disempurnakan oleh Timbalan Panglima Tentera Udara, Lt Jen Dato' Sri Hj Affendi bin Buang TUDM dan turut dihadiri

BENGKEL RMAF OFFICERS LEADERSHIP & DEVELOPMENT

oleh Panglima Operasi Udara, Lt Jen Dato' Sri Ackbal bin Hj Abdul Samad TUDM, Panglima Bantuan Udara, Lt Jen Dato' Hj Abdul Mutalib bin Datuk Hj Ab Wahab serta pegawai-pegawai kanan berpangkat Kol TUDM ke atas.

Di dalam bengkel tersebut, Profesor Emiratus Dato' Dr Sheikh Omar Abdul Rahman telah dijemput khas bagi menyampaikan ceramah.



MAJLIS SERAH TERIMA TUGAS KETUA STAF MARKAS PEMERINTAHAN OPERASI UDARA

KUALA LUMPUR – Satu Majlis Serah Terima Tugas Jawatan Ketua Staf MPOU telah diadakan di Markas Operasi Udara, Wisma Pertahanan.

Lt Jen Dato' Hj Abd Mutalib bin Datuk Hj Ab Wahab TUDM secara rasmi telah menyerahkan tugasnya sebagai Ketua Staf Markas Pemerintahan Operasi Udara kepada penggantinya iaitu Mej Jen Datuk Hj Romlee bin Yahaya TUDM.

Lt Jen Dato' Hj Abd Mutalib TUDM kini menjawat jawatan sebagai Panglima Pemerintahan Bantuan Udara.

Majlis serah terima tugas yang berlangsung di Markas Pemerintahan Operasi Udara telah disaksikan oleh Panglima Operasi Udara, Lt Jen Dato' Sri Ackbal bin Hj Abdul Samad TUDM.



MAJLIS MAKAN BERADAT SEMPENA PERSARAAN PEGAWAI-PEGAWAI KANAN TUDM

KUALALUMPUR - Bertempat di Wisma Perwira, Kementerian Pertahanan baru-baru ini telah berlangsungnya Majlis Makan Beradat sempena Majlis Persaraan Pegawai Kanan TUDM. Majlis tersebut diadakan bagi meraikan beberapa Pegawai Kanan TUDM dan Pegawai-Pegawai TUDM yang akan menamatkan perkhidmatan mereka.

Antara yang diraikan ialah Lt Jen Dato' Sri Che Akmar bin Mohd Nor TUDM, Mej Jen Dato' Hj Ab Razak bin Mohd Khairan TUDM, Mej Jen Dato' Ansar Ali s/o Majeth TUDM dan Mej Jen Dato' Azizan bin Shaari TUDM.

Turut diraikan Kol Suri bin Mohd Daud TUDM, Kol Mustaffa bin Abu Bakar TUDM, Kol Azman bin Zainal TUDM dan Kol Abdul bin Waley Mohamad TUDM.

Panglima Tentera Udara, Jeneral Tan Sri Dato' Sri Roslan bin Saad TUDM serta isteri, Puan Sri Datin Sri Khairani binti Mohd Zain telah turut hadir bagi meraikan majlis ini.

TUDM mengucapkan selamat berjaya dan selamat maju jaya kepada Pegawai-Pegawai Kanan TUDM dan Pegawai-Pegawai TUDM yang akan menamatkan perkhidmatan.



AIRMAN OF THE YEAR 2014

724936 Kpl U Syed Amerul Azree bin Syed Zainol Hamzan

Tidak pernah terlintas di fikiran 724936 Kpl U Syed Amerul Azree bin Syed Zainol Hamzan untuk dinobatkan sebagai Airmen of the Year 2014, namun itulah penghormatan yang terbesar yang diterima beliau sepanjang berkhidmat dalam TUDM selama hampir 15 tahun.

Kejayaannya dipilih menjadi *Airmen of The Year* (AOTY) pada 17 Dis 2014 lalu menjadi titik tolak bagi beliau untuk lebih berjaya dalam TUDM. Namun kejayaan ini bukanlah datang bergolek, ia memerlukan usaha dan kredibiliti yang tinggi serta konsisten sepanjang perkhidmatan.

Nilai teras TUDM menjadi tonggak prinsip bagi beliau dalam melaksanakan setiap tugas dan mengharungi cabaran sekaligus menghasilkan mutu kerja yang berkualiti. Beliau juga yakin bahawa prinsip rejimental serta disiplin tentera dapat membentuk seseorang individu menjadi lebih professional dan beretika.

Kpl U Syed Amerul Azree bin Syed Zainol Hamzan dari ketukangan Juruteknik Instrument dan kini bertugas sebagai PTTR Cabang Foto di PU Kuantan. Tugas sebagai Jurufoto sangat mencabar kerana beliau perlu bertugas tanpa mengira masa dan keadaan. Namun halangan ini tidak sedikit pun melunturkan semangat beliau bahkan menjadi satu daya untuk beliau terus maju. Keluarga dan rakan sekerja yang begitu memahami menjadikan beliau lebih komited dalam menjalankan tugas.

“Tugas sebagai Jurufoto memerlukan saya bekerja tanpa mengira masa dan menghadapi pelbagai situasi dan ragam manusia. Saya juga perlu peka dan fokus pada keadaan semasa bagi menghasilkan gambar dan berita yang berkualiti. Itu semua adalah cabaran bagi setiap anggota media di dalam TUDM kerana mereka telah diberi tanggungjawab yang besar dalam mempromosikan imej TUDM,” ujar beliau.

Beliau juga menegaskan bahawa setiap individu memainkan peranan masing-masing dalam TUDM. “Walau siapa pun kita, apa peranan kita, selagi kita berkhidmat dalam TUDM maka kita adalah satu keluarga. *WE ARE ONE!!* Itulah yang dilaungkan oleh pucuk pimpinan kita” tegas beliau.

Anak kedua dari empat adik beradik ini berasal dari Kuantan, Pahang dilahirkan pada 02 Ogos 1986 dan mempunyai latar belakang ketenteraan. Beliau juga mempunyai minat yang mendalam terhadap pesawat dan bidang penerbangan. Beliau juga telah mendirikan rumahtangga dan mempunyai seorang cahayamata.

Beliau menyertai TUDM apabila telah dipilih untuk menjalani Latihan Perajurit Muda Siri 33/04, di Institut Latihan Tentera Udara pada tahun 2004 dan seterusnya diserapkan dalam Ketukangan *Instrumen/Alat*. Beliau telah menamatkan kursus Juruteknik Pesawat di *Institute Technology Of Aerospace (ITAS)* dan berkhidmat di beberapa skuadron penerbangan iaitu No 17 dan No 7 Skuadron.

Beliau yang menerima Sijil Khidmat Terpuji pada tahun 2012 meneruskan kecemerlangan apabila dipilih menjadi Penuntut Terbaik Kursus Penyelia Rendah (KPR) Siri 252/14 seterusnya dinobatkan sebagai *Airmen of the Year* 2014.



TUDM CEMERLANG DI KEJOHANAN PAYUNG TERJUN TERTUTUP ATM TERENGGANU CHALLENGE 2015

GONG BADAK - Pasukan Payung Terjun TUDM telah menyertai Kejohanan Payung Terjun Tertutup ATM Terengganu *Challenge* 2015 yang diadakan pada 18 hingga 25 Okt 15 di Kompleks Sukan Negeri Terengganu.

Pasukan Payung Terjun TUDM telah menunjukkan prestasi yang amat cemerlang apabila berjaya menjadi Johan dalam kategori *Accuracy Sport, Accuracy Military, Canopy Formation Skydive ATM, Canopy Formation Skydive Open* dan dinobatkan johan keseluruhan dalam kejohanan ini.

Panglima Tentera Darat, Yang Mulia Jeneral Tan Sri Raja Mohamed Affandi Raja Mohamed Noor telah merasmikan acara penutup bagi kejohanan kali ini.



MAJLIS PEMAKAIAN SAYAP PENERJUNAN DAN PENUTUP KURSUS TERJUN STATIK TEMPUR TUDM

GONG KEDAK - Majlis Pemakaian Sayap Penerjunan dan Penutup Kursus Terjun Statik Tempur TUDM Siri 61/2015 telah diadakan di *Hangar Detachmen SAR*, Pangkalan Udara Gong Kedak.

Majlis tersebut telah disempurnakan oleh Mej Jen Dato' Abdul Mutalib bin Abd Wahab TUDM.

Seramai tiga pegawai dan 35 anggota LLP pelbagai ketukangan dari TUDM dan Tentera Darat telah berjaya mengharungi kursus tersebut yang bermula dari 22 Ogos hingga 18 Okt 15.

Turut serta pada majlis penutup tersebut ialah Pegawai Memerintah Rejimen TUDM, Kol Hj Khalil bin Mohd Ali TUDM.



CERAMAH PERDANA “RUMAHKU SYURGAKU” OLEH DATUK USTAZ KAZIM BIN ELIAS

KUANTAN – Bertempat di Dewan Sri Angkasa, Pangkalan Udara Kuantan telah berlangsungnya satu Ceramah Perdana anjuran bersama Wisma Bintara dan Pejabat Agama Pangkalan. Penceramah jemputan Datuk Ustaz Kazim bin Elias Al-Hafiz telah dijemput untuk memberi ceramah yang bertajuk “Rumahku Syurgaku”.

Turut hadir pada majlis tersebut ialah Komander Pangkalan, Brig Jen Dato’ Hj Yazid bin Hj Arshad TUDM, Pegawai Agama Pangkalan, Pegawai Eksekutif Pangkalan serta warga PU Kuantan. Pengerusi BAKAT Pangkalan, Datin Hjh Nazriah bte Hj Mahmood dan ahli-ahli BAKAT tidak terkecuali menghadiri ceramah ini.

Ceramah ini telah mendapat sambutan yang menggalakkan dengan kehadiran lebih 700 penonton samada dari anggota Pangkalan sendiri serta ahli keluarga anggota.



PROGRAM KEMBARA BERMOTORSIKAL JELAJAH BORNEO MARKAS WILAYAH UDARA 2

LABUAN – Markas Wilayah Udara 2 buat julung kalinya telah menganjurkan Program Kembara Bermotorsikal Jelajah Borneo. Program ini telah dijalankan dari Labuan hingga ke Kudat dan kembali semula ke Labuan.

Peserta yang terlibat adalah terdiri daripada pegawai dan anggota TUDM yang juga merupakan ahli *Air Force Bikers Community* (AFBC). Sebanyak 37 buah motorsikal yang terlibat terdiri dari kategori bawah 250cc dan atas 250cc.

Program ini diadakan untuk memupuk kerjasama dan disiplin dikalangan peserta konvoi serta memberikan kesedaran keselamatan jalanraya bukan sahaja kepada peserta konvoi malah kepada pegawai dan anggota TUDM Labuan. Program ini telah diadakan seiring dengan Program Minggu Keselamatan PU Labuan.

Konvoi telah dilepaskan secara rasmi di MAWILUD 2 oleh Ketua Staf MAWILUD 2, Kol Abdul Halim bin Abu Hassan TUDM. Aktiviti amal di Rumah Anak-anak Yatim Tambunan seperti gotong-royong, menanam pokok dan memberikan sumbangan berupa wang tunai kepada wakil pengetua rumah anak yatim tersebut turut diadakan.

Program ini telah berjalan dengan jayanya hasil usaha pegawai serta anggota MAWILUD 2 dan PU Labuan. Semoga program ini dapat dijadikan acara tahunan TUDM amnya dan MAWILUD 2 khasnya.



PERBARISAN PEMBUBARAN MALBATT 850-2 DAN PEMAKAIAN PINGAT PNBB

PORT DICKSON – Majlis Perbarisan Pembubaran dan Penganugerahan Pingat Perkhidmatan Negara Bangsa-Bangsa Bersatu (PNBB) kepada MALBATT 850-2 telah disempurnakan oleh Panglima Tentera Udara, YBhg Jen Tan Sri Dato' Sri Roslan bin Saad TUDM mewakili Panglima Angkatan Tentera.

Perbarisan yang diadakan di Padang Kawad Pusat Latihan Asas Tentera Darat (PUSASDA) turut dihadiri oleh wakil Panglima-Panglima Perkhidmatan dan Pegawai-Pegawai Kanan ATM.

Majlis Penganugerahan PNBB kepada MALBATT 850-2 adalah bagi mengiktiraf kejayaan pasukan tersebut semasa menjalankan misi *United Nations Interim Force In Lebanon* (UNIFIL) di bawah PBB di Lubnan selama 12 bulan iaitu mulai 25 Sep 2014.



MESYUARAT PEMERINTAHAN PANGLIMA OPERASI UDARA SIRI 02/15



SUBANG – Mesyuarat Pemerintahan Panglima Operasi Udara Siri 2/2015 telah diadakan pada 4 hingga 6 Nov 15 di Kelab Rekreasi Tentera Udara, Pangkalan Udara Subang.

Mesyuarat yang berlangsung selama tiga hari ini telah dipengerusikan oleh Panglima Operasi Udara, YBhg Lt Jen Dato' Sri Ackbal bin Hj Abdul Samad TUDM.

Antara Pegawai-Pegawai Kanan dan Pegawai-Pegawai yang telah menghadiri mesyuarat ini ialah oleh AKS KOMLEK, AKS Operasi & Strategi, Panglima Wilayah Udara 1, Panglima Wilayah Udara 2, Ketua-ketua Staf serta Komander Pangkalan, Pegawai Memerintah Skn/Unit di bawah naungan Markas Pemerintahan Operasi Udara.



MESYUARAT/TAKLIMAT PENGURUSAN INTEGRITI TUDM

KUALA LUMPUR - Susulan dari pelancaran penubuhan Seksyen Integriti TUDM yang telah disempurnakan oleh PanglimaTentera Udara pada 9 Dis 15, satu Mesyuarat Pelaksanaan Integriti TUDM dan sesi Taklimat Buku Panduan Pengurusan Integriti TUDM (PU 9308) telah diadakan di Bilik Mesyuarat MTU-Istiadat.

Seramai 35 orang wakil dari pangkalan/unit TUDM seluruh Negara telah hadir ke mesyuarat/sesi taklimat tersebut. Taklimat tersebut telah disampaikan oleh PS 1 Integriti, Lt Kol Ahmad bin Yusof TUDM dan dibantu oleh PS 2 Integriti, Mej Harisah bt Hamid TUDM.

Mesyuarat/taklimat ini telah dirasmikan oleh Pengarah Perkhidmatan, Kol Dr. Ismail bin Manuri TUDM. Semasa ucapan pembukaan, beliau telah menerangkan bahawa TUDM dalam rangka meningkatkan lagi tahap kesedaran Integriti di kalangan warga TUDM.

Tambah beliau lagi, dalam waktu terdekat ini satu Direktif PTU khusus yang berkaitan Integriti akan dikeluarkan.



MAJLIS MAKAN MALAM MERAIKAN MANTAN PEGAWAI WARAN TUDM



IPOH – Satu majlis makan malam telah dianjurkan di Hotel Impiana, Ipoh bagi meraikan Mantan-mantan Pegawai Waran TUDM dan juga Pegawai Waran Pangkalan/Markas yang akan menamatkan perkhidmatan tidak lama lagi. Antara mantan Pegawai Waran yang hadir pada malam tersebut adalah PW I Mohamad bin Daud, PW I Mohd Shafinyi bin Ismail, PW U I Mohd Idris bin Bajuri dan PW U I Mohd Fisol.

Menyingkap kembali sejarah jawatan Pegawai Waran Terkanan Tentera Udara (PW TUDM) adalah bermula sejak tahun 1985 apabila Panglima Tentera Udara (Lt Jen (B) Tan Sri Mohamed Ngah Said pada masa itu) telah melantik PW U I Mohamad Nasir bin Awang menyandang jawatan tersebut pada 1 Jan 1985.

Perjawatan PW TUDM pada dasarnya mahu mengadakan satu saluran pengurusan yang lebih terbuka di peringkat PTBK dan Pegawai Waran terus kepada beliau.

Matlamatnya untuk mempertingkatkan lagi taraf profesionalisme, kewibaaan, peradaban dan mutu disiplin anggota terutama anggota LLP, disamping berperanan sebagai tali penghubung antara anggota LLP dengan pengurusan tertinggi TUDM.

Majlis pada malam itu telah dirasmikan oleh Pegawai Waran TUDM, PW U I Tarmizi bin Hj Jaafar dan turut dihadiri oleh semua Pegawai Waran Markas dan Pangkalan.

Di majlis itu juga, Pegawai Waran TUDM telah menyampaikan cenderahati dari Panglima Tentera Udara kepada mantan PW TUDM sebagai tanda terima kasih di atas jasa yang dicurahkan sepanjang dalam perkhidmatan TUDM.



CERAMAH PENERANGAN DAN PAMERAN PROGRAM AMANITA DI PU KUANTAN

KUANTAN – Ceramah Penerangan Program AMANITA telah diadakan bertempat di Auditorium INSPRA. Program di bawah seliaan Pegawai AMANITA Pangkalan, Mej Zuridah bt Hashim TUDM ini adalah buat julung kalinya diadakan di PU Kuantan.

Majlis ini telah dihadiri oleh Pegawai wanita, anggota wanita serta ahli-ahli BAKAT Pangkalan. Turut hadir ialah Pengerusi BAKAT Pangkalan, Datin Hjh Nazriah bt Hj Mahmood.

Ceramah penerangan mengenai AMANITA yang telah disampaikan oleh Ketua Penolong Pengarah Kepolisian Komuniti Jabatan Pencegahan Jenayah dan Keselamatan Bukit Aman, SAC Hjh Fatimah bt Abdul Hamid.

Program ini diadakan bertujuan untuk memberi penerangan dan fungsi Persatuan AMANITA kepada seluruh wanita serta masyarakat setempat.



ROMBONGAN BAKAT PUKL KE MUZIUM COKLAT DI KOTA DAMANSARA

KUALA LUMPUR - BAKAT PU Kuala Lumpur telah mengadakan lawatan ke Muzium Coklat di Kota Damansara sempena sambutan Hari Kanak-kanak yang disambut pada bulan Oktober.

Seramai 35 ibu dan 65 anak yang mengikuti rombongan ini telah didedahkan dengan proses penghasilan coklat dan berpeluang merasai coklat serta membeli belah coklat berkualiti import dan eksport dgn harga yg istimewa.

Turut serta di dalam lawatan tersebut adalah Pengerusi BAKAT PU Kuala Lumpur, Pn Norlela binti Alwi.



ATLET TUDM GAH CEMERLANG DI ARENA SUKAN SEA KE-28, SINGAPURA

1. Sepak Takraw dan Chinlone

- a) 717562 PW U I Kamal bin Yahaya
Pingat Perak (Jurulatih Sepak Takraw)
- b) 722454 Sjn U Sofix bin Nadry
Pingat Gangsa (Jurulatih Sepak Takraw – Tim Regu Wanita)
- c) 9001080 LUK Mohamad Fazil bin Mohd Asri
Pingat Perak (Sepak Takraw - Chinlone)
- d) 9001214 LU II Mohammad Kamal Aizzat bin Azmi
Pingat Perak (Sepak Takraw - Chinlone)
- e) 729506 LU I Ab Muhaimi bin Che Bongsu
Pingat Perak (Sepak Takraw - Chinlone)
- f) 9001315 LU I Nazmi bin Najib
Pingat Perak (Sepak Takraw - Chinlone)

2. Petanque

- a) 728698 LU I Mohammad Hafizuddin bin Mat Daud
Pingat Emas & Perak (Single dan Trio)
- b) 728699 LU I Mohamad Hakem bin Ahmad Saberi
Pingat Perak (Trio)

SINGAPURA - Seramai 6 Atlet dan 2 Jurulatih dari kalangan anggota TUDM telah mewakili Negara pada Sukan Sea ke 28 di Singapura. 6 Atlet tersebut telah mengaharumkan nama TUDM dan Negara setelah meraih pingat bagi acara sukan yang mereka sertai.



Sumbangan mereka kepada negara di harapkan dapat menjadi contoh tauladan kepada seluruh warga TUDM untuk terus berjaya sekaligus mengharumkan nama dan imej TUDM di persada Sukan samada di peringkat Kebangsaan mahupun Antarabangsa. Syabas dan Sekalung Tahniah buat semua atlet-atlet TUDM yang berjaya.

MAJLIS PENUTUP KEJOHANAN KARNIVAL SUKAN ANTARA PERKHIDMATAN ATM 2015

SUBANG - Majlis Penutup Karnival Kejohanan Sukan Antara Perkhidmatan ATM 2015 anjuran TUDM untuk kali kedua telah berlangsung di Stadium Hoki Pangkalan Udara Subang. Kejohanan tahunan ini membabitkan perkhidmatan ATM iaitu TDM, TLDM dan TUDM.

Kejohanan yang telah bermula secara rasminya pada 02 Nov hingga 06 Nov 15 melibatkan 5 acara sukan iaitu Ping Pong, Hoki (lelaki dan wanita), Ragbi, *Petanque* dan Lumba Basikal. Lokasi untuk acara-acara yang dipertandingkan ini telah melibatkan dua Pangkalan Udara iaitu Pangkalan Udara Subang dan Pangkalan Udara Kuala Lumpur.

Seramai 300 atlet lelaki dan perempuan telah terlibat mewakili perkhidmatan masing-masing. Objektif kejohanan ini adalah untuk menjadi salah satu platform bagi mencungkil bakat sukan di kalangan warga ATM dan seterusnya diketengahkan hingga ke peringkat kebangsaan mahupun antarabangsa.

YBhg Panglima Angkatan Tentera, Jeneral Tan Sri Dato' Sri (Dr.) Hj. Zulkifeli Bin Mohd Zin telah merasmikan Majlis Penutup Karnival Sukan tersebut. Turut hadir ke majlis penutup ini ialah Panglima-panglima ketiga-tiga perkhidmatan, Pegawai-pegawai Kanan ATM, serta pegawai-pegawai dan anggota-anggota ATM.



KEJOHANAN OLAHRAGA ANGKATAN TENTERA MALAYSIA

LUMUT - Pasukan Olahraga TUDM telah menyertai Kejohanan Olahraga Angkatan Tentera Malaysia yang telah berlangsung pada 9 hingga 11 Sep 15 di TLDM, Lumut.

Seramai 31 orang atlet (termasuk pihak pengurusan) yang terdiri daripada 24 lelaki dan tujuh wanita terlibat di dalam kejohanan ini.

Pasukan olahraga TUDM telah memberikan persaingan yang sengit kepada pasukan Tentera Darat dan Tentera Laut di dalam beberapa acara olahraga.

Pasukan olahraga TUDM telah memenangi dua pingat emas, dua pingat perak dan lima pingat gangsa. Pungutan keseluruhan pingat pada kejohanan kali ini menampakkan prestasi yang jauh lebih baik dari tahun-tahun sebelumnya.



PASUKAN KRIKET TUDM AKAN MENYERTAI KEJOHANAN IDCC '15 DI CANBERRA, AUSTRALIA



SUBANG – Kejohanan *International Defence Cricket Challenge* (IDCC) dianjurkan oleh *Australian Services Cricket Association* (ASCA) dan diadakan setiap tiga tahun sekali di Canberra, Australia. Pasukan kriket Tentera Udara Diraja Malaysia (TUDM) atau lebih dikenali sebagai '*RMAF Hawks*' pernah menyertai IDCC pada 2009 dan seterusnya pada 2012. Pada tahun ini, TUDM telah dijemput semula ke Canberra dimana 10 pasukan daripada 6 Negara iaitu Australia, New Zealand, Fiji, Pakistan, United Kingdom dan Malaysia akan bertanding mulai 14 hingga 30 November 2015.

Pasukan Kriket TUDM pernah menjuarai Kejohanan IDCC pada 2009. Pada 2012, TUDM berjaya sekali lagi ke pusingan akhir tetapi tewas kepada pasukan Pakistan *Combined Forces*. Pada tahun ini, pasukan kriket bersemangat untuk meneruskan perjuangan merebut piala IDCC yang pernah dimenangi pada 2009. Fiji dan Malaysia merupakan antara '*Non Test Cricket Playing Country*' yang akan bertanding dalam IDCC'15. Penglibatan dua pasukan baru daripada United Kingdom akan turut memberi cabaran kepada '*RMAF Hawks*'.

Selain daripada bertanding, kejohanan tersebut secara tidak langsung akan mewujudkan perhubungan diplomatik melalui sukan di antara TUDM dan perkhidmatan lain dari Australia, New Zealand, Fiji, United Kingdom dan Pakistan. Kejohanan ini juga dapat membantu memberi pendedahan kepada pemain kriket TUDM bermain di peringkat Antarabangsa dan berupaya meningkatkan kualiti serta prestasi mutu sukan kriket TUDM.

Pasukan Kriket TUDM kali ini telah menghantar 20 anggota yang terdiri daripada 2 Pegawai dan 18 anggota Lain Lain Pangkat. Ketua Kontigen adalah Mej Salehudin bin Azam TUDM dibantu oleh Mej Hardeep Singh A/L Meha Singh TUDM yang merupakan Pengurus Pasukan. Kpl U Anwar bin Arudin telah dipilih buat kali ketiga untuk untuk memimpin para pemain

sebagai Ketua Pasukan '*RMAF Hawks*'. Pasukan kriket TUDM mempunyai seramai 07 pemain yang aktif bermain untuk Skuad Utama Kriket Negara.

Sebagai persiapan awal, Persatuan Kriket TUDM telah menjalani beberapa siri latihan dan perlawanan persahabatan di dalam Negara bagi memantapkan lagi pasukan. Latihan pusat sedang giat dijalankan di Pangkalan Udara Kuala Lumpur dan juga di Kinrara Oval mulai dari 01 Okt 2015.

Pasukan Kriket TUDM juga turut menjalani latihan penyesuaian dengan bermain beberapa perlawanan persahabatan di Australia sebelum bermulanya IDCC'15. Pasukan Kriket TUDM akan berlepas ke Sydney, Australia pada 10 Nov 2015 dan pulang ke Tanahair pada 01 Dis 2015.

Pasukan kriket TUDM merupakan juara bertahan Kejohanan Kriket Antara Perkhidmatan selama 11 tahun berturut-turut. Pada Kejohanan Perak *International Sixers* yang baru diadakan di Ipoh pada 01 Nov 2015, Pasukan '*RMAF Hawks*' berjaya menjadi johan.

Pihak TUDM amat berbangga dan berbesar hati menyertai kejohanan yang berprestij ini dan berharap Pasukan Kriket TUDM dapat sekali lagi mengharumkan nama Negara Malaysia secara amnya dan TUDM khususnya pada kejohanan IDCC'15 di Canberra, Australia.

